

**НЭГДСЭН ҮНДЭСТНИЙ БАЙГУУЛЛАГЫН ХҮНС, ХӨДӨӨ АЖ АХУЙН
БАЙГУУЛЛАГЫН СУУРИН ТӨЛӨӨЛӨГЧИД ӨГӨХ ХАНДИВЫН
АЧ ХОЛБОГДОЛ, ХЭРЭГЦЭЭ ШААРДЛАГА**

Монгол Улс Нэгдсэн Үндэстний Байгууллагын Хүнс, хөдөө аж ахуйн байгууллагын гишүүн орны хувьд тус байгууллагын олон улсын санаачилга, хөтөлбөрүүдээс бодит үр шим хүртэж ирсэн. Нэгдсэн Үндэстний Байгууллагын Хүнс, хөдөө аж ахуйн байгууллага нь дэлхий дахинд хүнсний аюулгүй байдлыг хангах, ядуурлыг бууруулах, уур амьсгалын өөрчлөлтөд дасан зохицох болон тогтвортой хөдөө аж ахуйн үйлдвэрлэлийг хөгжүүлэх чиглэлээр тэргүүлэх байгууллагын нэг юм.

Монгол Улсад Хүнс, хөдөө аж ахуйн байгууллагын төлөөлөгчийн газар байгуулагдах нь хөдөө аж ахуйн салбарт олон улсын дэмжлэгийг тогтвортой, үр дүнтэй авчрах боломжийг нээх бөгөөд техник туслалцаа, бодлогын зөвлөмж, санхүүгийн дэмжлэг зэргийг хурдан, шуурхай, орон нутгийн хэрэгцээ шаардлагад нийцсэн байдлаар хүрэх ач холбогдолтой гэж үзэж байна.

Төлөөлөгчийн газрын тогтвортой үйл ажиллагааг хангахын тулд Монгол Улсын Засгийн газраас жил бүр 100.000 ам.долларын хандив буюу гишүүнчлэлийн төлбөрийг санхүүжүүлэх шаардлагатай бөгөөд зөвхөн санхүүгийн дэмжлэг төдийгүй олон улсын хамтын нийгэмлэгт хүлээн зөвшөөрөгдсөн, хариуцлагатай байдлаар гишүүн орны байр сууриа бататгах явдал юм.

Хүнс, хөдөө аж ахуйн байгууллагын бусад гишүүн орнуудын хувьд мөн адил төлөөлөгчийн газруудын үйл ажиллагааг ижил төстэй хэлбэрээр дэмждэг бөгөөд энэ нь байгууллагын санхүүгийн тогтвортой байдлыг хангахад чухал үүрэг гүйцэтгэдэг.

Хандивын 100.000 ам.долларын хөрөнгө нь дараах үйл ажиллагаанд зарцуулагдана:

- Төлөөлөгчийн газрын хүний нөөцийн зардал (ажилтнуудын цалин, нийгмийн даатгал);
- Оффисын байрны түрээс болон дэд бүтцийн ашиглалтын төлбөр (цахилгаан, дулаан, интернэт);
- Оффисын тоног төхөөрөмжийн засвар үйлчилгээ, шинэчлэлт;
- Орон нутгийн хамтрагч байгууллагуудад зориулсан сургалт, чадавх бэхжүүлэх үйл ажиллагаа;
- Хяналт шинжилгээ, үнэлгээ хийхэд шаардагдах зардлууд;
- Гэнэтийн хэрэгцээнд зориулсан нөөц сан.

Эдгээр зардлууд нь Хүнс, хөдөө аж ахуйн байгууллагын багийг Монгол Улсад бүрэн хүчин чадлаар ажиллах нөхцөлийг бүрдүүлж, тус байгууллагын хэрэгжүүлж буй төслүүдийн үр нөлөөг нэмэгдүүлэх үндэс суурь болдог байна.

Дэлхий даяар хүнсний хангамжийн сүлжээ тасалдах эрсдэл нэмэгдэж буй энэ цаг үед Хүнс, хөдөө аж ахуйн байгууллага дахь гишүүнчлэл болон идэвхтэй хамтын ажиллагаа нь Монголын хөдөө аж ахуйн салбарын сорилтуудыг даван туулах, тогтвортой хөгжлийн зорилтуудыг биелүүлэх чухал баталгаа болох юм. Иймээс энэхүү хандив нь зөвхөн санхүүжилт бус, олон улсын хамтын ажиллагааг бататгах стратегийн хөрөнгө оруулалт гэж үзэж байна.

Дүгнэлт: Хүнс, хөдөө аж ахуйн байгууллагын төлөөлөгчийн газрын үйл ажиллагааг дэмжих нь Монгол орны хөдөө аж ахуй, хүнсний аюулгүй байдал, уур амьсгалын өөрчлөлтөд дасан зохицох хүчин чадлыг олон улсын түвшинд бэхжүүлэх чухал алхам бөгөөд манай орны дэлхийн хамтын нийгэмлэг дэх нэр хүнд, хариуцлагатай гишүүн орны байр суурийг улам бүр бэхжүүлэх ач холбогдолтой гэж үзэж байна.

---o0o---